

SAOPŠTENJE ZA JAVNOST

Poštovane kolege kinolozi,

Dopisom FCI od 15.01.2009. godine, ugovor između FCI i Unije kinoloških saveza BiH, potpisan 2002. godine u Beogradu je raskinut.

Svi naši pokušaji da spasimo kinologiju BiH od ispadanja iz FCI su nažalost ostali bez uspjeha. U svim dopisima od FCI zadnjih godinu dana se jasno naglašavalo da je ekskluzivni potpisnik ugovora sa FCI Unija kinoloških saveza BiH, pa prema tome mi nismo imali ni jedan razlog da radimo protiv njega. Međutim tada su zanemareni svi kinološki argumenti i uključila se politika, i ko zna šta sve i povelu nas do izbacivanja iz FCI. Zadnjih pola godine je Asocijacija uz nesebičnu pomoć Ministarstva pravde BiH, pokušala da u FCI dobije priznanje. Kada to nije uspjelo po onoj narodnoj „NEK KOMŠIJI CRKNE KRAVA MAKAR CRKLA I MOJA“, uz pomoć pomenutog Ministarstva pravde BiH su doveli do poništenja ugovora između FCI i Unije kinoloških saveza BiH. Kada se bolje razmisli u Asocijaciji, osim par izuzetaka, i ne postoje ljudi kome je FCI bitna što su pojedini osnivači i naglašavali zadnjih godinu dana, jer malo ko od njih uzgaja i drži pse i takmiči se na kinološkim manifestacijama. Zbog svega toga i ne čudi euforično ponašanje pojedinaca iz Asocijacije poslije poništenja ugovora koji su uz pomoć svojih dežurnih dezinformatora na sva zvona pokušali optužiti Uniju kao krivca za sve.

Da gospodo, Unija je kriva:

- što se nismo prvi sjetili da tajno na prevaru uradimo registraciju i sebi damo doživotnu i apsolutnu kinološku vlast u BiH i gospodi iz Asocijacije ultimativno ponudimo diskriminirajući ugovor, veće cijene i podanički status,
- što nismo prihvatili prevaru, diskriminaciju, ucjene, omalovažavanje, aroganciju svojstvenu diktatorskim režimima,
- što smo se borili za demokratsko rješenje krize,
- što smo na sastanku u Sarajevu sa g. K. Raisingerom prihvatili njegov prijedlog da se svi vrata u Uniju KS BiH i da se zajednički radi na njenoj registraciji sa rokom od 01.01.2009. godine bez ikakvih sankcija. Asocijacija je tada „dobronamjernim“ odbijanjem „spasila“ kinologiju BiH, tako da smo po isteku predloženog roka izgubili članstvo u FCI,
- što smo se pridržavali potpisanog ugovora iz Orašja, zbog čega su pojedinci izbačeni iz svojih saveza,
- što niko od nas nema brata ministra pravde, koji bi mimo svih zakonskih i pravnih normi i demokratskih i moralnih principa opstruisao sve što nije u interesu njegovog brata,
- što nismo kao gospoda iz Asocijacije za obezbjeđivanje podrške u svom članstvu koristili nacionalističke parole i tražili nacionalno jedinstvo protiv „neprijatelja“ iz drugih naroda, u stilu retorike korištene pred početak rata u BiH,
- što nismo kao gospoda iz Asocijacije pripadnike svojih naroda i saveza koji se ne slažu sa nama prozivali izdajnicima svog naroda,

- što nismo kao gospoda iz Asocijacije koristeći političke i nacionalne argumente angažovali kinološke saveze susjednih zemalja za svoje potrebe i time dodatno produbljivali krizu,
- što su BiH kinologiju na Evropskoj izložbi u Budimpešti predstavljali isključivo članovi Unije i postigli vrhunske kinološke rezultate,
- što smo u 2008. godini imali duplo više prijavljenih štenadi u odnosu na Asocijaciju,
- što smo na izložbama u 2008. godini imali duplo više prijavljenih i troduplo više ocjenjenih pasa u odnosu na Asocijaciju,
- i na kraju smo krivi što smo se uopšte „usudili“ baviti kinologijom i odgajati, izlagati i voljeti pse.

Zbog te „krivice“ dužni smo Vam prezentovati sledeće činjenice:

1. MINISTARSTVO PRAVDE BiH

Dovoljno je naglasiti činjenicu da registracija Unije kinoloških saveza u BiH traje već 8 mjeseci, još ako se doda da je Asocijacija registrovana za samo sedam dana, sve je jasno.

Sredinom jedanaestog mjeseca 2008. godine je od strane nadležne službe Ministarstva pravde BiH napisano pozitivno rješenje za registraciju. Po proceduri takvo rješenje je trebao potpisati ministar pravde g. Bariša Čolak. Već dva mjeseca on to odbija. Prvo su iz njegovog kabineta vratili predmet sa zahtjevom za dodatnim izmjenama u predmetu koje su u najmanju ruku smiješne i nekorektne (npr. dodavanje malog slova „u“ ispred BiH u skraćenicu UKS BIH). Mogli bi taj zahtjev i shvatiti da je Asocijacija registrovana upravo bez pomenutog malo slova „u“. Naravno, sva ta procedura je praćena maksimalnom neažurnošću a sve u cilju da se Odluka što više odgodi i da prođe 31.12.2008. godine, te da dođe do suspenzije ugovora sa FCI. I pored toga mi smo po hitnom postupku izvršili tražene izmjene ali sve je bilo uzalud. Iako je otkucano novo pozitivno rješenje, potpis nije usledio, pa prema tome izgubili smo ugovor sa FCI.

U više navrata smo zadnjih mjeseci obavještavali Ministrastvo pravde BiH da je ključ opstanka BiH kinologije u FCI registracija Unije, pri čemu bi se stvorili pravni uslovi za potpis sporazuma između dvije organizacije. SVE UZALUD.

Očita opstrukcija registracije je nastavljena. Istovremeno se u FCI šalju tendenciozni dokumenti sa potpisom g. Bariše Čolaka kojima Ministarstvo pravde BiH favorizuje Asocijaciju kao jedinog predstavnika kinologije BiH. Poslednji dopis iz kabineta g. Bariše Čolaka sa zahtjevom za nove izmjene u našem predmetu registracije je vrhunac licemjerstva i namjerne opstrukcije. Naime, iako znaju da je BiH kao država izbačena iz FCI 01.01.2009. godine, petnaest dana poslije izbacivanja nam traže dokaz da smo članovi FCI. Da nije tužno bilo bi zaista smiješno. Kolika je bila naša spremnost za korektno rješenje problema govori i podatak da smo imali najmanje dvadesetak pokušaja sastanka sa g. Barišom Čolakom, sve bezuspješno a zbog čega prosudite sami.

2. SLUČAJ K.K. TORNJAK – TRAVNIK

K.K. Tornjak- Travnik je, iako jedan od osnivača Unije KS u BiH, 25.12.2008. godine poslao dopis Ministarstvu pravde BiH da odustaje od uloge osnivača. Taj dopis je upućen bez prethodnog obavještenja bilo koga iz Unije iako su na samo dvadesetak dana prije toga potpisali potrebne dokumente. Dopis je upućen „sasvim slučajno“ u vrijeme intenzivnih pregovora da se spasi BiH kinologija.

Po izjavama gospode iz K.K. Tornjak – Travnik taj dokument su potpisali u Sarajevu na nagovor Refeta Hadžića koji im je „garantovao“ da će Asocijacija biti priznata od strane FCI i kao uslov za vraćanje K.K. Tornjak- Travnik u Bosanski kinološki savez (iz kog je izbačen na potpuno neregularnoj Skupštini) tražio potpis takvog dokumenta. To jasno govori kolika je bila iskrena želja g. Refeta Hadžića za postizanje dogovora.

Gospoda koja su iskorištena i zloupotrebljena za izbacivanje BiH kinologije iz FCI i koja su bez skupštinske Odluke K.K. Tornjak- Travnik i u suprotnosti sa klupskim Statutom (član 2. Statuta) potpisali traženi dokument su: Anto Dujmušić, Semir Mušija, Dženan Šaćirbegović.

Nadamo se da će doći vrijeme kada će dokumenta trojice „kinologa“ izaći oči u oči pred BiH kinološku javnost i priznati da su ovim nerazumnim potezom direktno doprinjeli izbacivanju BiH iz FCI, a za potrebe sprečavanja dogovora i sprečavanja registracije Unije KS u BiH. Koliko su pomenuta gospoda bitna nalogodavcu ovog potpisa govori i njihova jednokratna upotreba uz konstataciju da taj pokušaj opstrukcije kabinet ministra pravde u dopisu od 15.01.2009. godine nije ni spomenuo.

2. PREGOVORI

Kao pokušaj rješenja krize održane su dvije runde pregovora između predstavnika Unije KS u BiH i Asocijacije koji su bili obilježeni sledećim karakteristikama (Banja Luka 12.12.2008. godine i Sarajevo 17.12.2008. godine):

- predstavnici Asocijacije su konstantno mjenjali svoj prijedlog što je posledica nepostojanja jasnog stava,
- od strane Asocijacije se nastojalo pregovarati isključivo o njihovim prijedlozima,
- bilo je jasno uočljivo razmimoilaženje u stavovima predstavnika Bosanskog kinološkog saveza i Kinološkog saveza Herceg-Bosne,
- bili smo konstantno ucjenjivani da prihvatimo njihove prijedloge da će oni „pustiti“ našu registraciju, dok su stavovi predstavnika Kinološkog saveza Herceg-Bosne išli i dalje da neće dozvoliti našu registraciju.

a) Prijedlog Kinološke Asocijacije-unije u BiH

O ovoj platformi Kinološke Asocijacije-unije u BiH se raspravljalo tokom cijelog sastanka u Banja Luci jer su predstavnici Kinološke Asocijacije-unije u BiH u načelu odbili našu platformu i nisu htjeli uopšte raspravljati o njoj. Naše opravdane primjedbe vezane za platformu Kinološke Asocijacije-unije u BiH su bile:

- FCI nikada ne bi prihvatila dvije paralelne organizacije iz jedne države, jer da je tako mi sada ne bi ni imali problema (tačka 1. prijedloga),

- FCI nikada ne bi prihvatila dva sjedišta kao što je predložila Asocijacija (tačka 6. prijedloga),

- prijedlog da u ulozi osnivača obadvije organizacije učestvuju sa po tri članice je teško izvodljivo pošto Uniju KS u BiH osniva 10 pravnih subjekata pa bi prema tome bio problem doći do koncenzusa koja su to tri (tačka 10. prijedloga),

- u daljoj razradi prijedloga ispostavilo se da je prijedlog Upravnog odbora od tri člana neizvodljiv pošto se ne može podijeliti ravnomjerno na dva. Tada predstavnici Asocijacije mjenjaju prijedlog na šest članova i to po tri iz svake od dvije organizacije i po dva iz svakog naroda, pošto je g. Petar Krasić konstantno insistirao na paritetu naroda. Međutim, ubrzo g. Petar Krasić odustaje i od tog prijedloga pošto nije htio prihvatiti konstataciju da bi u tom slučaju u Upravnom odboru sjedio jedan predstavnik Kinološkog saveza Herceg-Bosne i jedan predstavnik klubova izbačenih iz Kinološkog saveza Herceg-Bosne koji bi ravnopravno predstavljali hrvatski narod, te je na njegovo insistiranje sastanak završen sa konstatacijom da je njihov prijedlog nedorečen i da o njemu mora još razmisliti. O ovoj platformi uz različite modifikacije se nastavilo raspravljati i na sastanku u Sarajevu. U cilju kooperativnosti i želje da doprinesemo opstanku BiH kinologije u FCI predložili smo kao varijaciju na platformu Kinološke Asocijacije-unije u BiH da se rukovodstvo buduće krovne organizacije formira na osnovu broja štenadi i broja ocjenjenih pasa na izložbama bez mogućnosti da druga strana nameće Odluku o sastavu predstavnika suprotne strane. Svjesni da bi u tom slučaju imali puno manje predstavnika, predstavnici Kinološke Asocijacije-unije u BiH odbijaju taj prijedlog.

Na kraju Unija KS u BiH nudi i poslednji prijedlog na platformu Asocijacije:

- osnivači bi bili tri matična saveza (Kinološki savez Herceg-Bosne, Bosanski kinološki savez i Kinološki savez Republike Srpske),

- Skupštinu bi sačinjavalo 13 delegata, od čega 1 delegat iz Kinološkog saveza Brčko Distrikta, 6 delegata iz Unije KS u BiH (4 delegata Kinološkog saveza Republike Srpske, 1 delegat iz reda klubova koji su bivši članovi Kinološkog saveza Herceg-Bosne i 1 delegat iz reda klubova koji su bivši članovi Bosanskog kinološkog saveza) i 6 delegata iz Kinološke Asocijacije-unije u BiH, uz mogućnost da predlože koga god hoće. Upravni odbor bi se sastojao od 3 člana po jednog iz sva tri saveza osnivača, tj. sva tri naroda.

Nažalost predstavnici Kinološke Asocijacije-unije u BiH i taj prijedlog ne prihvataju.

b) Prijedlog g. Mirka Čolaka

Kao posledica razmimoilaženja stavova unutar Kinološke Asocijacije-unije u BiH na sastanku u Sarajevu G. Mirko Čolak u usmenoj formi daje svoj prijedlog. Prijedlog je sam po sebi neostvariv i nerealan a predlaže sledeće:

- da osnivači krovne kinološke organizacije budu Unija KS u BiH i Kinološka Asocijacija-unija u BiH, što je nemoguće pošto po Zakonu o udruženju građana moraju biti najmanje tri osnivača.

Tada se pokušava naći treći osnivač a istovremeno tvrdi da se mi netrebamo i nećemo registrovati, što je u kontradikciji sa našom ulogom osnivača jer nemožemo učestvovati kao osnivači ukoliko nismo pravni subjekt.

Prijedlog je bio u usmenoj formi, a tek naknadno je dostavljen u pismenoj i to kao nezvaničan dokument bez potpisa, pečata i pravne validnosti.

Taj prijedlog ultimativno nameće Uniji KS u BiH sastav delegata u Skupštini, što je apsolutno neprihvatljivo.

I na kraju taj prijedlog nije podržao ni g. Petar Krasić.

Kolika je bila želja da se dođe do dogovora govori i podatak da na sastanku u Sarajevu nije prisustvovao g. Petar Krasić a svima je jasno da se bez njega ne može postići dogovor, već je poslao g. Mirka Čolaka čija se „kinološka veličina“ svodi na činjenicu da je brat Ministra pravde BiH.

c) Prijedlog Unije kinoloških saveza u BiH

Kao što smo naglasili na sastanku u Banja Luci o našem prijedlogu predstavnicima Asocijacije nisu htjeli uopšte raspravljati. Na sastanku u Sarajevu se raspravljalo ali tako da predstavnicima Asocijacije apsolutno ništa nije odgovaralo iz naše platforme i nisu ni pokušali da se približe mogućem rješenju.

- nisu prihvatili prijedlog statusa sekretara iz tačke 14. naše platforme.

- u tački 15. naše platforme predvidjeli smo mogućnost da se svi klubovi mogu vratiti u svoje saveze bez ikakvih uslovljavanja. Takođe je data mogućnost da se pojedini klubovi direktno učlane u krovnu organizaciju ukoliko ne žele članstvo u matičnim savezima, što bi se preciziralo u novom Statutu. I ovaj razuman prijedlog se odbija prvenstveno zbog tvrdog stava predstavnika Bosanskog kinološkog saveza koji nisu željeli da dozvole svojim klubovima povratak, kao i zbog stava g. Radovana Mazalice koji je izjavio da oni neće da se vrate u Kinološki savez Republike Srpske. Ovdje se mora naglasiti i stav g. Elvira Velića i g. Dragana Ostojića koji su izrazili spremnost da prihvate povratak klubova koje predstavljaju u matične saveze bez ikakvog uslovljavanja a sve u cilju sprečavanja ispadanja BiH iz FCI. Predstavnicima Kinološkog saveza Republike Srpske su ponudili mogućnost da se Kinološka Asocijacija Republike Srpske učlani u Kinološki savez Republike Srpske kao jedinstvena organizacija, pojedinačno putem svojih klubova, da se ukoliko žele učlane u neki drugi matični savez ili da se učlane direktno i samostalno u krovnu organizaciju. Sve prijedloge je g. Radovan Mazalica odbio.

- prijedlog iz tačke 16. naše platforme o sazivanju Skupština matičnih saveza je takođe odbijen. Pa gospodo draga, ima li išta demokratičnije nego da se kinolozi putem svojih organizacija izjasne o daljem putu kinologije BiH kao i o svojim predstavnicima.

Očigledno je da je osnivačima Kinološke Asocijacije-unije u BiH ovakav način odlučivanja stran, što su potvrdili i ovaj put.

- odbijaju i prijedlog sazivanja kongresa kinologa BiH sa konstatacijom da se sve treba odlučiti u što manjem krugu ljudi i da članstvo nije sposobno za bilo kakvo odlučivanje.

- na kraju su bili izričito protiv podnošenja ostavki svih onih koji su doprijetili izbacivanju BiH iz FCI jer po njihovom mišljenju ne bi imao ko dalje voditi kinologiju BiH. Mi smo po tom pitanju ostali čvrstog stava i naša Odluka i dan danas vrijedi a na gospodi iz Asocijacije je da ovim moralnim činom prihvate svoj dio odgovornosti.

- i na kraju nije nam bio cilj da bilo koga optužujemo ali smo smatrali za potrebno da iznesemo tačne i istinite pojedinosti vezane za pregovore zaprepašteni činjenicom sa koliko mržnje i nekorektnosti pojedini članovi Asocijacije pokušavaju neistinama obmanuti kinološku javnost BiH u vezi pomenutih pregovora.

Problem je bio nepostojanje jedinstvenog stava među osnivačima Kinološke Asocijacije-unije u BiH. Čak je i g. Petar Krasić na kraju izjavio da smatra poslije svih analiza da je jedino moguće rješenje u tri matična saveza. U tom pogledu je bio konstruktivan i obavio razgovor sa g. Radovanom Mazalicom koji je po izjavi g. Petra Krasića ultimativno kao uslov za povratak u Kinološki savez Republike Srpske tražio da se vrate u izvršne organe (Upravni odbor). Jasno je da je to i pravno i faktički nemoguće. Kroz sve ove pregovore ispostavilo se da je u stvari najveći problem Kinološka Asocijacija Republike Srpske koja je zbog svog stava da hoće u potpunosti ravnopravan status sa Kinološkim savezom Republike Srpske iskakala iz mogućnosti dogovora svih ostalih kinoloških faktora u BiH. I ovog puta se pokazala pogubnost osnivanja Kinološke Asocijacije-unije u BiH zbog čega su sami sebe počeli opstruisati. Nažalost ta opstrukcija se odrazila i na kompletnu kinologiju BiH. Naime, predstavnici i Bosanskog kinološkog saveza i Kinološkog saveza Herceg-Bosne su izjavili da moraju podržati zahtjeve Kinološka Asocijacija Republike Srpske jer će u suprotnom oni blokirati rad Kinološke Asocijacije-unije u BiH. Žalosna je i činjenica da je dobar dio osnivača Kinološke Asocijacije-unije u BiH svjesno išao na izbacivanje BiH iz FCI što oni nisu ni krili, svjeni činjenice da Unija KS BiH ima ugovor sa FCI. Poslije bi uz dalju nezakonsku opstrukciju registracije od strane kabineta ministra pravde BiH pokušali potpisati ugovor sa FCI. Da je to tačno pokazuje i najnoviji zahtjev za promjenu (čitaj prevaru) imena podnesen od strane Kinološke Asocijacije-unije u BiH, kojom od riječi do riječi traže naše ime Unija kinoloških saveza u BiH. Sa promjenom (krađom) imena bi se , po izjavi g. Petra Krasića na Skupštini Kinološke Asocijacije-unije u BiH, 16.01.2009. godine u Vitezu, pristupilo zahtjevu FCI za prijem u članstvo. Uvažena gospodo iz Asocijacije krajnje je vrijeme da prestanete sa spletkama i zakulisnim radnjama. Jedini način za rješenje krize su korektni pregovori između ove dvije organizacije. Za takve pregovore smo uvijek spremni i imamo čvrstu podršku svog članstva, koje koliko god to Vama bilo teško priznati čini cirka 70 % kinoloških kapaciteta BiH.

Komisija za informisanje
Unije kinoloških saveza u BiH